

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, Sarajevo, koje zastupa ministar Admir Katica (u daljem tekstu: Ugovorni organ) i

Shizi d.o.o. Sarajevo, ul. Kemal Begova 9, ID broj: 4203130210000, kojeg zastupa direktor Din Hodžić (u daljem tekstu: Dobavljač)

zaključile su:

UGOVOR

o nabavci usluga foto/video produkcije, grafičkog dizajna, vizualnih rješenja i obuke u oblasti obrade foto i video materijala za potrebe Ministarstva unutrašnjih poslova Kantona Sarajevo

PREDMET UGOVORA

Član 1.

Predmet ugovora je nabavka usluga foto/video produkcije, grafičkog dizajna, vizualnih rješenja i obuke u oblasti obrade foto i video materijala za potrebe Ministarstva unutrašnjih poslova Kantona Sarajevo u toku 2025. godine.

Ugovor se zaključuje na osnovu Odluke o pokretanju postupka nabavke broj: 04-1-11-4-6090/25 od 18.09.2025. godine kojom je određeno provođenje postupka dodjele ugovora putem direktnog sporazuma i ponude Dobavljača broj: 4 od 15.09.2025. godine.

Ponuda Dobavljača čini sastavni dio ugovora.

VRIJEDNOST UGOVORA

Član 2.

Vrijednost nabavke iz člana 1. ovog Ugovora za 2025. godinu iznosi 6.000,00 KM bez PDV-a (šest hiljada i 00/100 KM).

Cijene navedene u Ponudi Dobavljača su fiksne i ne mogu se mijenjati za vrijeme trajanja ugovornog odnosa.

NAČIN PLAĆANJA

Član 3.

Plaćanje se vrši u roku od 30 dana od dana dostavljanja faktura koje moraju biti ovjerene od strane korisnika usluge ispred ugovorenog organa.

Realizacija ugovora će biti praćena na osnovu pojedinačnih faktura u toku 2025. godine.

Član 4.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Dobavljača u smislu izvršene usluge.

ROK IZVRŠENJA USLUGE

Član 5.

Dobavljač je dužan ugovorenu uslugu izvršiti u roku od 1 dana od zahtjeva Ugovornog organa. Ministarstvo kao ugovorni organ je vlasnik svih materijala koji se snime i produciraju u toku trajanja ugovora i Dobavljač je dužan dostaviti ih ugovornom organu u roku od najkasnije 24 sata, a po potrebi i kraće.

Dobavljač nema pravo koristiti ili distribuirati materijal proizveden za ugovornog organa u druge svrhe.

PRELAZNE I ZAVRŠNE ODREDBE

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogodne višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.
Strana u ugovoru koja je pogodena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.


Sva, eventualno sporna pitanja rješavat će se dogovorom, štiteći obostrane interese.
U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Ovaj ugovor stupa na snagu danom potpisivanja ovlaštenih predstavnika i traje do obostrane realizacije, a najskanije do 31.12.2025. godine.

Član 9.

Ovaj ugovor izrađuje se u četiri istovjetna primjerka, od kojih po dva zadržava svaka ugovorna strana.



Broj:

Dana: 22.09.2025.

Broj: 04-111-4-6090-1/25

Dana: 18.09.2025. godine